

# MUSLIMAH MELAWAN FEMINISME

(SEBUAH PENGENALAN)



**FARZANA MAULAN**

**PAM!**  
— RISORROEX —

**MUSLIMAH  
MELAWAN  
FEMINISME**

**Farzana Maulan**

**Penerbit**

PAMI Resources

(Projek Anak Muda Islam)

**Pereka Kulit**

Mohammad Syaquirin Bin Shuhaimi

Terbitan : Mac 2017

Muslimah Melawan Feminisme 2

## **Isi Kandungan**

<b>Prakata</b>	<b>4</b>
<b>Kata Pendahuluan</b>	<b>6</b>
<b>Definisi Feminisme</b>	<b>8</b>
<b>Sejarah Wanita di Dunia Barat</b>	<b>11</b>
<b>Sejarah Gerakan Feminisme</b>	<b>17</b>
<b>Perjuangan Kebebasan Wanita Dibawah Cahaya Islam</b>	<b>20</b>
<b>Asal Wanita Dari Tulang Rusuk</b>	<b>26</b>
<b>Wanita Ramai Masuk Neraka</b>	<b>35</b>
<b>Penutup</b>	<b>43</b>

## **Prakata**

Alhamdulillah, bersyukur kepada Tuhan empunya Alam diatas kesempatan yang diberikan untuk diterbitkan e-book pertama keluaran Projek Anak Muda Islam – PAMI bagi tahun 2017.

Terima kasih juga kepada Saudari Farzana Maulan yang sudi menerbitkan e-booknya ini melalui PAMI. Sebenarnya e-book ini hanyalah 15% daripada tulisan asal beliau yang in sya Allah akan diterbitkan sebagai sebuah buku nanti.

Oleh itu, pihak kami amatlah berharap agar para pembaca dapat memberikan komentar dan kritikan yang membina untuk memasti buku yang beliau akan terbitkan nanti mempunyai kualiti.

Feminisme ini bukanlah isu yang baru. Kewujudannya seumpama kewujudan ideologi

yang lain juga, atas satu sebab iaitu sosio-historis (pengalaman sejarah) kongkongan dan perlecehan mereka hadapi pada zaman kegelapan Eropah.

Untuk mengetahui lebih lanjut, perihal Feminisme dan juga Muslimah ini, eloklah dibaca dan dihadami ebook MUSLIMAH MELAWAN FEMINISME ini.

Maka, terimalah e-book ini sebagai hadiah dari kami Projek Anak Muda Islam -PAMI dan penulis sempena dengan Hari Wanita Sedunia.

Projek Anak Muda Islam - PAMI

## **Kata Pendahuluan**

Wanita merupakan separuh daripada masyarakat. Tanpa wanita masyarakat umpama jasad tanpa nyawa, hati tanpa jiwa. Persoalan wanita merupakan satu polemik tanpa henti yang dibincangkan sejak zaman berzaman. Penindasan dan kezaliman terhadap wanita yang masih berleluasa harus diperhatikan.

Gerakan Feminisme merupakan satu usaha murni wanita barat untuk memperjuangkan hak dan kebebasan mereka. Manakala, kehadiran sinar Islam mengangkat perjuangan pembebasan hak wanita ini lebih tepat pada tempatnya. Oleh itu, pejuang feminis barat dan perjuangan muslimah mengembalikan kefahaman menurut tuntunan Nabi S.A.W. bukanlah dua kelompok yang bersekutu.

Semoga tulisan kecil ringkas ini mendapat banyak kritikan dan penambahbaikan

membina daripada sekalian pembaca yang budiman.

Al-amal Lillah Taala.

Farzana Maulan

9 Mac 2017

Mafrq, Jordan.

## **DEFINISI FEMINISME**

Istilah feminisme bukanlah sesuatu yang baru dibincangkan oleh masyarakat kita. Namun, pendefinisian bagi istilah ini masih lagi kabur dan banyak pertikaian. Malahan, masyarakat memiliki kefahaman yang berbagai mengenai istilah feminisme ini. Oleh itu, pemurnian definisi istilah ini amat kritikal untuk diperbahaskan di dalam penulisan ini agar memudahkan kefahaman pembaca mengenai tajuk perbincangan. Definisi feminisme telah dibahaskan oleh tokoh-tokoh feminis sejak dahulu lagi.

Lisa Tuttle mengatakan bahawa terdapat banyak definisi individu mengenai feminisme, sedangkan makna asasnya masih lagi dalam pertikaian. Kamus mendefinisikan feminisme sebagai penyokongan terhadap hak wanita yang bersandarkan kepercayaan kepada kesamarataan gender.



Kemudian, maksud ini diperluaskan kepada sesiapa sahaja yang berwaspada dan memperjuangkan taraf wanita yang dianggap golongan bawahan. Oleh itu, feminisme berpunca dari persepsi bahawa wujudnya kesalahan masyarakat dalam mengiktiraf wanita.<sup>1</sup>

Daripada sudut pandang David Robertson, Gerakan Feminisme secara asasnya memperjuangkan persamaan hak politik dan social untuk wanita berbanding lelaki. Teori utama yang mereka pegang adalah wujudnya tradisi pengeksploitasian lelaki terhadap wanita dalam sejarah.<sup>2</sup>

Pada tahun 1991, E. Porter mengeluarkan kenyataan lebih jelas mengenai feminisme.

---

<sup>1</sup> Tuttle, (1987). *Encyclopedia of Feminisme*. Arrow Books, London, h.107

<sup>2</sup> Robertson, (1993), *The Penguin Dictionary of Politics*, c.2. Peguin, London, h.186

*“ Saya mendefinikan feminisme dari beberapa sudut iaitu penghapusan kelas jantina golongan bawahan (wanita), penindasan, ketidaksamaan dan ketidakadilan terhadap golongan wanita yang disebabkan oleh gender mereka.”<sup>3</sup>*

Secara holistiknya, feminisme bermaksud perjuangan individu mahupun kelompok untuk kesamarataan gender, pengiktirafan kedudukan wanita serta mempertahankan hak politik dan sosial wanita. Perjuangan ini pula wujud disebabkan oleh pengeksploitasian lelaki dan pendiskriminasian terhadap wanita yang terbukti dalam sejarah. Manakala, aktivis-aktivis feminis pula merupakan pejuang-pejuang hak wanita dalam gerakan feminisme.

---

<sup>3</sup> E.Porter (1991), *Women and Moral Identity*, Allen & Unwin, Sydney, h. 5

## SEJARAH WANITA DI DUNIA BARAT

Walaupun gerakan feminisme amat menonjol dalam lingkungan abad ke 19 dan 20, namun sebenarnya fahaman ini telah wujud sejak zaman sebelum masihi lagi. Plato (427-347 SM) menyarankan di dalam bukunya “*Republic*” beberapa perkara antaranya ialah peranan keluarga dan sosial yang berdasarkan jantina mesti dihapuskan. Beliau juga mendesak agar wanita untuk belajar bermain muzik dan bergimnastik agar dapat ditonton oleh orang lelaki.<sup>4</sup>

Dalam menelusuri sejarah perkembangan gerakan feminisme, kita perlu melihat keadaan Barat (Eropah) pada awal abad pertengahan iaitu ketika suara-suara feminis mulai kedengaran. Pada abad pertengahan, gereja

---

<sup>4</sup> Ghazali Darussalam, (1998), *Dakwah Islam dan Ideologi barat*, Utusan Publications & Distributors. Sdn Bhd, h.44-h.45

merupakan pusat kekuatan manakala Paus adalah pemimpin gereja yang menampilkan dirinya sebagai ketua dan pusat kekuasaan. Sehingga abad ke-17, gereja masih bertahan dalam posisi hegemoninya dan sesiapa sahaja yang mengugat autoriti dan legimasinya dianggap sebagai bidaah (*heresy*) dan dihadapkan ke Mahkamah Inkuisi.<sup>5</sup> Disebabkan itu, martabat wanita barat tidak dapat lari daripada doktrin-doktrin kotor gereja terhadap mereka.

Menurut McKay, antara dekad ke 1560 dan 1648 merupakan zaman penurunan status kedudukan wanita di Eropah. Reformasi yang dilakukan oleh pembaharu gereja tidak banyak membantu memulihkan nasib wanita disana. Oleh itu, kajian-kajian mengenai wanita dijalankan untuk memperbetulkan pandangan Saint Paul's yang menganggap wanita sebagai

---

<sup>5</sup> Adian Husaini, (2004), *Tinjauan Historis Konflik Yahudi, Kristen, Islam*, Gema Insani Press, h. 158-159

sumber dosa dan makhluk kelas kedua didunia ini. Sebahagian besar wanita dianggap sebagai anak-dewasa yang boleh secara sewenang-wenangnya diperlakukan dengan sangat tidak rasional.

Bahkan pada tahun 1595, seorang Profesor di Wittenberg University mengadakan perdebatan serius tentang adakah wanita itu seorang manusia atau bukan. Malah, sektor perlacuran merebak dan diberikan permit oleh negara. Wanita yang berkahwin tidak memiliki hak untuk bercerai walau atas alasan apa sekalipun.<sup>6</sup>

Maududi berpendapat, ada dua doktrin dasar gereja yang menjadikan kedudukan wanita di barat abad pertengahan tak ubah seperti binatang. Pertama, gereja menganggap wanita

---

<sup>6</sup> McKay, John P. Bennet D. Hill dan John Bucker (1983), *A History of western society*, c.2, Houghton miffin Company, Boston, ,h. 437.

sebagai ibu segala dosa yang berakar dari syaitan. Wanitalah yang menjerumuskan lelaki ke dalam dosa dan kejahatan, serta menuntunnya ke nereka. Tertulian (150M) sebagai ketua gereja pertama menyatakan doktrin kristian tentang wanita iaitu :

*“ Wanita yang membukakan pintu bagi masuknya godaan syaitan dan membimbing kaum lelaki ke pohon terlarang untuk melanggar hukum Tuhan, dan membuat lelaki menjadi jahat serta menjadi bayangan Tuhan ”*

St. John Chrysostom (345M-407M) seorang ketua gereja bangsa Yunani berkata : *“wanita adalah syaitan yang tidak boleh dihindari, suatu kejahatan dan bencana yang abadi dan*

*menarik, sebuah risiko rumah tangga dan keberuntungan yang cantik.”<sup>7</sup>*

Antara doktrin gereja yang berlawanan dengan fitrah kemanusiaan dan membebankan wanita ialah menganggap bahawa hubungan seksual antara lelaki dan wanita sebagai sesuatu yang kotor walaupun mereka sudah dalam ikatan perkahwinan yang sah. Hal ini membawa kepada pemikiran seperti menghindari perkahwinan adalah kesucian dan kemurnian serta ketinggian moral. Jika seseorang lelaki menginginkan kehidupan beragama yang bersih dan murni, maka lelaki tersebut tidak boleh berkahwin, harus berpisah dengan isterinya, mengasingkan diri serta berpantang daripada melakukan hubungan badan.<sup>8</sup>

---

<sup>7</sup> Maududi Abu A’la. (1995), AL Hijab, Gema Rislal Press, c.8. Bandung h.23.

<sup>8</sup> Maududi. H 23-24.

Pada awal Abad Pencerahan, sekitar abad ke-17, Francis Bacon menulis dalam esainya tentang keadaan wanita Inggris pada saat itu mengalami kehidupan yang sulit dan keras. Hal ini dapat dilihat dari kehidupan Ratu Elizabeth. Pada masa itu, Raja James I sebagai penguasa sangat membenci wanita. Pembunuhan dan pembakaran kepada wanita-wanita yang dianggap sebagai nenek sihir, yang dipelopori oleh golongan pendeta merupakan satu ekspresi anti-wanita.

Hukuman berat dijatuhkan kepada wanita yang melanggar perintah suaminya. Tradisi ini menyebarkan pemikiran bahwa wanita menyimpan keburukan sehingga perlu terus menerus diawasi dan ditertibkan oleh anggota keluarganya yang lelaki atau suaminya apabila sudah bernikah.<sup>9</sup>

---

<sup>9</sup> Maududi. H 52



## SEJARAH GERAKAN FEMINISME

Perlawanan terhadap kekuasaan gereja telah dimulai dengan terjadinya Revolusi Perancis (1789). Perjuangan kebebasan atas dominasi gereja dan Raja tersebut juga memberikan pengaruh besar pada gerakan wanita dalam masyarakat barat. Kaum wanita saat itu bergerak memanfaatkan gerakan politik di tengah pemberontakan rakyat yang berdasarkan kebebasan (*liberty*), persamaan (*equality*), dan persaudaraan (*fraternity*).

Gerakan kebebasan politik terus berlangsung sehingga pada tahun 1792 kaum wanita memperoleh hak untuk bercerai daripada suaminya.<sup>10</sup> Dalam pada itu, gerakan pembaharuan intelektual '*Renaissance*' di

---

<sup>10</sup> Rowbotham, Sheila, *Women in Movement : Feminism and Sozial Action*, Routledge, New York, 1991, h.29.

barat memberi pengaruh yang kuat kepada gerakan feminisme dan kesamarataan gender.

Pada tahun 1895, Elizabeth Candy Stanton menerbitkan buku '*The Women's Bible*' yang merupakan kajian terhadap seluruh teks bible berkaitan wanita. Beliau membuat kesimpulan bahawa kitab suci Bible mengandungi ajaran yang menghina wanita dan hal inilah yang membentuk dasar-dasar pandangan Kristian terhadap wanita.<sup>11</sup> Maka, pada tahun 1961, Presiden John F. Kennedy menandatangani satu pengisytiharan untuk membentuk lembaga yang memeriksa dan mengesyorkan langkah-langkah bagi mengatasi diskriminasi dan adat resam lapuk yang menghalang wanita mendapat haknya.

Kemudian, tanggal 26 Ogos 1970, berlakunya demonstrasi besar-besaran di Fifth Evenue di

---

<sup>11</sup> Phyllis Tribble (et.al), 1995, *Feminist Approach to the Bible*, *Biblical Archeology Society*, Washington.

New York City yang membawa slogan berikut :

*“ Housewives are unpaid slaves. States pay for house-work, oppressed women! Don’t cook dinner! Starve your husband tonight! End human sacrifices, don’t get married. Washing diapers is not fulfilling. Legalise abortion, dependency is not a health state being.”<sup>12</sup>*

Oleh sebab yang demikian, jelaslah penindasan terhadap wanita barat di bawah pemerintahan gereja mendesak suara-suara wanita yang menginginkan kebebasan bergema di mana-mana. Wanita barat menjadi makhluk lemah dan tidak berdaya dari hampir seluruh aspek kehidupan. Hal inilah yang mendorong mereka bangkit mendapatkan kembali hak individu dan hak sivil mereka yang dirampas selama ratusan tahun.

---

<sup>12</sup> Ghazali, h.45.

## **PERJUANGAN KEBEBASAN WANITA DI BAWAH CAHAYA ISLAM**

Islam sangat berlemah lembut dengan wanita. wanita diberikan hak dan kebebasan yang setimpal dengan keadaan diri mereka. Umat islam juga bertanggungjawab memastikan hak-hak wanita Islam dipelihara sebagaimana hak-hak umat islam yang lain dipelihara. Kekeliruan yang timbul dalam kalangan umat Islam terhadap hak dan kebebasan wanita Islam perlu diperbetulkan.

Oleh itu perbahasan hak dan kebebasan wanita ini bertujuan melepaskan wanita daripada kongkongan pemikiran jumud segelintir umat Islam seperti golongan yang mengatakan bahawa Islam menerapkan sikap menyendiri kepada kaum wanita mulai dari lahir hingga ke

liang lahad.<sup>13</sup> Penulis menyenaraikan beberapa nas berkaitan berkaitan hak wanita Islam.

## **1) Hak Peribadi**

Kisah Atikah bin Zaid mempertahankan hak peribadinya :

Atikah Binti Zaid mempertahankan haknya untuk melaksanakan solat berjemaah di masjid tanpa restu suaminya. Ibnu Umar berkata kepada Atikah : “ *Mengapa kamu tetap keluar (untuk melakukan solat Subuh dan Isyak) padahal kami tahu bahawa Umar tidak suka dan cemburu?*” Atikah bertanya, : “ *(Kalau demikian) apa yang menghalangi Umar sehingga tidak melarangku?*” Ibnu Umar berkata : “ Yang menghalangnya ialah sabda Rasulullah S.A.W yang berbunyi : “*Janganlah*

---

<sup>13</sup> Abdul Halim Abu Syuqqah, *Tahrir al-Mara'h fi Ase a-Risalah*, Darr Qalam Lil Nasr wa Tauzi' (2011), Kuwait, Jil. 1, h. 9.

*kalian menghalangi hamba-hamba Allah yang perempuan (pergi) ke masjid Allah.*<sup>14</sup>

## **2) Hak Membuat Keputusan Sendiri**

Maimunah binti Al- Harith r.ah, ummul mukminin telah memerdekakan seorang hamba tanpa pengetahuan Rasulullah S.A.W. Kuraib hamba Ibnu Abbas mengatakan bahawa Maimunah memberitahunya dia telah memerdekakan seorang hamba tanpa memohon izin terlebih dahulu kepada Rasulullah S.A.W.

Pada hari giliran Rasulullah S.A.W berada di rumahnya, dia berkata : “ *Apakah engkau sudah tahu wahai Rasulullah bahawa aku telah memerdekakan hamba perempuanku?*”

---

<sup>14</sup> Fathul Bari, Syarah Sahih Bukhari, *Kitab : Jumaat, Bab : Apakah orang yang ingin menghadiri Jumaat samaada wanita, anak-anak atau lainnya, harus mandi?*, Darul Hadis al-Kaherah, (2004), Hadis no. 900, Jilid 2, h. 440.

Rasulullah S.A.W bertanya kembali : *“Apakah hal itu sudah kamu lakukan?”* Maimunah menjawab, *“Ya”* Rasulullah S.A.W berkata : *“Padahal kalau kamu berikan hamba-hamba itu kepada ibu saudaramu, tentu lebih besar pahalanya bagimu.”*<sup>15</sup>

### **3) Hak Berpolitik**

Abu Naufal berkata, *“... setelah terbunuhnya Abdullah bin Zubair, al –Hajjaj bin Yusuf Ats-Tsaqafi pergi menemui Asma’ binti Abu Bakar, lalu berkata : “ Bagaimana pendapatmu mengenai apa yang aku lakukan terhadap musuh Allah itu?” Asma’ berkata : “ Aku berpendapat bahawa kamu telah merosakkan dunianya, sementara dia telah merosakkan akhiratmu... dan bahawasanya*

---

<sup>15</sup> Fathul Baari, *Kitab : Hibah, keutamaan dan anjuran untuk melakukannya, Bab : Pemberian seorang perempuan kepada selain suaminya*, hadis no. 2592, jil. 5, h. 244.

*Rasulullah S.A.W pernah menceritakan kepada kami bahawa di antara kaum Tsaqif itu ada seorang pembohong dan seorang perosak (tirani), aku kira kaulah orangnya. Abu Naufal berkata, “mendengar itu, al-Hajjaj berdiri meninggalkan Asma’ tanpa melanjutkan lagi dialognya.”*<sup>16</sup>

Keberanian Asma’ Binti Abu Bakar sememangnya tidak dapat disangkal oleh seluruh umat Islam. Malahan, ketika hijrah Rasulullah S.A.W bersama Saidina Abu Bakar as-Siddiq, beliau menunjukkan ketaatannya kepada baginda dengan mengharungi padang pasir untuk memberikan bekalan makanan kepada Rasulullah S.A.W dan ayahnya. Oleh itu, teguran Asma’ secara terbuka kepada al-Hajjaj BIN Yusuf seorang penguasa zalim

---

<sup>16</sup> Minhaj, Syarah Sahih Muslim, Kitab : Keutamaan-keutamaan para sahabat, Bab : Mengenai Tsaqif si pendusta dan perosak, Muassasah Risalah Nasyirun (2015), hadis no.6496, jil. 7 h. 681.



merupakan satu tindakan yang sangat berani. Sikap inilah yang sepatutnya dicontohi oleh wanita Islam pada zaman sekarang iaitu dengan meletakkan keberanian pada tempat yang sepatutnya.

Pada bab seterusnya, penulis akan mengupas beberapa nas Al-Quran dan Sunnah yang banyak disalahertikan oleh sebahagian besar umat islam.

## ASAL WANITA DARI TULANG RUSUK

**Pertama**, penulis akan membahaskan tentang ayat Al-Quran yang membincangkan tentang asal kejadian lelaki dan wanita. Allah SWT berfirman:

*“Hai sekalian manusia, bertakwalah kepada Tuhan-mu yang telah menciptakan kamu dari satu diri, dan dari padanya Allah menciptakan isterinya, dan daripada keduanya Allah memperkembang biakkan laki-laki dan perempuan yang banyak dan bertakwalah kepada Allah yang dengan (mempergunakan) nama-Nya kamu saling meminta satu sama lain, dan (peliharalah) hubungan silaturrahim. Sesungguhnya Allah selalu menjaga dan mengawasi kamu”<sup>17</sup>*

Ayat ini dengan jelas menunjukkan bahawa lelaki dan wanita telah diciptakan daripada

---

<sup>17</sup> Surah An-Nisa, (4) : 1

satu diri. Mereka berasal dari ras yang sama dan memiliki aspek kemanusiaan yang setara. Kalimah “**dan**” dalam ayat tersebut sebagai kata sambung yang menunjukkan kesamaan drajat dengan mengaitkan dua ayat iaitu, “*menciptakan kamu dari satu diri*” dengan “*darinya Allah menciptakan isterinya*”. Ayat ini bermaksud, lelaki dan wanita diciptakan daripada satu diri. Terdapat dua interpretasi untuk menerangkan ayat ini :

1. “**darinya**” bermakna daripada diri Adam atau bahawa wanita merupakan sebahagian daripada Adam. Pendapat ini dipegang oleh sebahagian besar ulama’ pada masa lalu.<sup>18</sup>

Ibnu Katsir menulis bahawa, “ Kita mengetahui daripada kaum Ahlulkitab dan khususnya dari pengikut kitab Taurat,

---

<sup>18</sup> Abi Jaafar Muhammad bin Jareer At-Tabari, *Jaami al Bayan fi Tafsir Al-Quran*, jil. 1 edisi 2, Beirut, Lebanon, 1398 H/1978.

bahawa Adam A.S telah ditidurkan kemudian Allah mengambil tulang rusuk kirinya dan menggantikannya dengan daging. Setelah itu, Adam bangun dan dapati Hawa disampingnya, menurut kaum Ahlulkitab, Adam A.S berkata, “*Dagingku, darahku, isteriku.*”

Maka Adam A.S mempercayai Hawa dan Allah memberkati penyatuan dan pernikahan mereka. Tetapi sebelumnya Allah berkata kepada Adam A.S :

*“Wahai Adam diamlah oleh kamu dan isterimu syurga ini, dan makanlah makanan-makanan yang banyak lagi baik di mana sahaja yang kamu sukai, dan janganlah kamu mendekati pohon ini, yang menyebabkan kamu termasuk orang-orang yang zalim”*<sup>19</sup>

---

<sup>19</sup> Surah Al-Baqarah (1) : 35

Abu Hurairah meriwayatkan bahawa nabi S.A.W bersabda, “ *Berilah nasihat kepada wanita. Wanita telah diciptakan daripada tulang rusuk (yang bengkok) dan engkau tidak mampu meluruskannya. Bila engkau berharap untuk hidup bahagia dengannya maka lakukanlah dengan menerima kebengkokannya. Bila engkau cuba meluruskannya maka engkau akan mematahkannya dan mematahkannya bererti menceraikannya. Maka, berilah nasihat kepada wanita*”<sup>20</sup>

Mengenai riwayat di atas, al-Imam an-Nawawi menjelaskan. “Riwayat ini mendukung pendapat para ulama yang mengatakan bahawa Hawa diciptakan daripada tulang rusuk Adam A.S.”

---

<sup>20</sup> Fathul Baari, *Kitab : Hadis-Hadis Para Nabi, Bab : Penciptaan Adam a.s dan zuriatnya*, Hadis no. 3331, jil. 6, h. 412.

2. Dalam interpretasi yang kedua, “**darinya**” bermakna “bahan asal yang sama yang disiapkan untuk penciptaan manusia.” Imam Ar-Razi menjelaskan, “Dan darinya Allah menciptakan isterinya, Dia menciptakan dari jenis dan bahan yang sama.”<sup>21</sup> Allah S.W.T berfirman : “ *Allah menjadikan bagimu isteri-isteri dari jenis kamu sendiri*”

“**Dari**” tidak berarti Hawa adalah bahagian yang penting daripada Adam A.S. Namun kata ini menunjukkan bahawa penciptaan Adam A.S lebih didahulukan. Oleh sebab itu, Allah S.W.T berfirman : “*...menciptakanmu dari satu diri*”. Antara ulama yang menyokong pendapat ini adalah Syeikh Abdul Karim al-Khatib,

---

<sup>21</sup> Fatma Umar Nasif, (2003), *Hak dan Kewajipan Perempuan dalam Islam*, Penerbitan Buku Kontemporer, Jakarta, h. 148.

yang mengatakan : “Maksud ungkapan itu adalah bahawa Allah menciptakan dari diri (nafs) ini, dari jenis dan bahan yang sama, pasangan untuk diri (nafs) yang satu itu, yang tidak merujuk kepada Adam sebagai seorang manusia. Ungkapan tersebut merujuk kepada bahan yang dipersiapkan untuk penciptaan manusia. Daripada bahan inilah diciptakan Adam A.S dan darinya juga diciptakan isterinya.

Dengan penciptaan Hawa, maka kewujudan Adam A.S disempurnakan sebagaimana dikatakan oleh Allah S.W.T, “ *dan kami jadikan kamu berpasang-pasangan* “<sup>22</sup>

Riwayat yang menggambarkan wanita sebagai “tulang rusuk yang bengkok” hanyalah ungkapan metaforis, “ dengan maksud mendorong orang lelaki agar

---

<sup>22</sup> Surah An-Naba' (78) : 8

bersikap baik kepada isterinya dan bersabar dalam hubungan dengannya serta menerima ketidaksempurnaannya.”<sup>23</sup>

Pemahaman sedemikian terhadap hadis Nabi S.A.W ini sesuai dengan konteks hadith itu sendiri kerana Nabi S.A.W memulai dan mengakhiri hadithnya dengan “*Perlakukanlah wanita dengan baik.*” Nabi S.A.W juga telah menjelaskan bahawa “*mematahkannya*” secara kiasan bererti menceraikannya.

Berdasarkan kedua pandangan diatas, penulis dapat menyimpulkan beberapa perkara iaitu pendapat bahawa Hawa diciptakan daripada tulang rusuk Adam A.S adalah berasal daripada Taurat dan ini tidak disebut dalam hadith-hadith Nabi S.A.W. Begitu juga, tiada

---

<sup>23</sup> Muhammad Izzat Daruzah, *Al-Mar'ah fi Al-Quran wa As-Sunnah*, Beirut, Al- Maktabat Al-Asyeerah Publication, 1387 H/1967, h. 47



ayat yang jelas-jelas menunjukkan bahawa “*diri ini*” menunjukkan kepada Adam A.S (sebagai manusia).

Sayyid Qutb mengatakan “ *Apabila manusia hanya mengingat kenyataan ini, maka akan lenyaplah semua perbezaan yang ada di tengah umat manusia yang menyebabkan manusia ... yang diciptakan daripada satu diri (nafs)... hidup berasingan dan memutuskan silaturahmi serta berpecah.*”

Walau bagaimanapun, penulis tidak menentang pendapat golongan pertama yang mengatakan bahawa wanita hakikatnya diciptakan daripada tulang rusuk lelaki. Hal ini kerana, sememangnya lelaki atau suami berasa senang apabila wanita meminta perlindungan dan bantuannya. Suami tersebut akan rasa bertanggungjawab untuk melindungi isterinya sebagai kaum wanita yang lemah. Pendapat ini

juga mempunyai kebaikan sama seperti pendapat golongan yang kedua.

## WANITA RAMAI MASUK NERAKA.

**Kedua**, hadith Nabi S.A.W tentang banyaknya wanita di dalam neraka.<sup>24</sup> Abdullah bin Abbas berkata : “ Terjadi gerhana matahari... lalu Rasulullah S.A.W melaksanakan solat. Baginda berdiri lama sekali... selesai baginda solat, matahari terlihat sudah muncul. Lalu baginda bersabda ; *“Sesungguhnya matahari dan bulan adalah dua antara tanda-tanda kebesaran Allah. Keduanya, tidak gerhana lantaran kematian seseorang ataupun kerana kelahirannya. Oleh itu, apabila kalian melihat gerhana maka ingatlah kepada Allah.”* Kaum muslimin bertanya : *“ Wahai Rasulullah, kami melihatmu seakan-akan memetik sesuatu di tempatmu ini. Kemudian kami melihatmu pula agak terpegun?”*

Rasulullah S.A.W bersabda : *“ Aku melihat syurga, lalu aku cuba memetik anggur*

---

<sup>24</sup> Abdul Halim Abu Syuqqah, h. 279.

*darinya. Seandainya aku dapat mengambilnya, tentu kalian dapat memakannya selama dunia masih ada. Dan aku melihat neraka, aku rasa sama sekali belum pernah melihat pemandangan yang lebih seram seperti yang aku lihat hari ini. Aku melihat kebanyakan penghuni neraka itu kaum wanita.”*

Kaum muslimin bertanya, “ Apa sebabnya, ya Rasulullah?” Rasulullah S.A.W bersabda : “ Sebab kekafiran mereka.” Ada yang bertanya, “Apakah kerana mereka mengkufuri Allah?” Rasulullah S.A.W bersabda : “ Sebab mengkufuri nikmat berkeluarga dan kebaikan (orang kepadanya). Kalau engkau berbuat baik kepada salah seorang di antara mereka sepanjang tahun, kemudian dia melihat satu kesalahan kecil padamu, maka dia akan

berkata, “ *Aku tidak pernah melihat kebaikan darimu sama sekali* “<sup>25</sup>

Dalam hadith diatas terdapat dua perkara yang perlu direnungkan. Pertama, adakah hadith di atas membawa maksud wanita lebih banyak menghuni neraka kerana kejahatan lebih dominan menguasai fitrah mereka, sementara pada diri lelaki tidak demikian? Sekiranya benar hal ini tidak hanya terdapat dalam diri wanita tentu mereka tidak dipertanggungjawabkan atas kejahatan yang mereka lakukan atas fitrah mereka yang dikatakan jahat itu.

Namun, hadith tersebut menerapkan bahawa mereka bertanggungjawab dengan terhadap apa yang mereka kerjakan dengan tangan mereka sendiri seperti ketidakpatuhan mereka kepada keluarga/suami.

---

<sup>25</sup> Fathul Baari, *Kitab : Gerhana, Bab : Solat gerhana secara berjemaah*, hadis no. 1052, jil 2, h.619.

Menurut al Hafizh Ibnu Hajar, “ *Dalam hadits Jabir terdapat dalil yang menunjukkan bahawa wanita-wanita penghuni neraka memiliki sifat-sifat tercela seperti dalam hadits berikut :*

*“ Orang yang paling banyak aku lihat di dalamnya (neraka) dari kalangan wanita yang apabila diberikan kepercayaan menyimpan rahsia, dia bocorkan. Apabila diminta sesuatu kepadanya, dia bakhil. Apabila mereka meminta mereka banyak meminta dan apabila diberi, mereka tidak pandai berterima kasih”*

Sebagai perbandingan, penulis mendatangkan satu hadits Nabi S.A.W yang bermaksud, “*Aku lihat ke dalam syurga, lalu aku lihat*

*kebanyakan penghuninya dari kalangan fakir miskin”<sup>26</sup>*

Menerusi hadis ini, kita dapat memahami bahawa bilangan orang kaya sedikit di dalam syurga. Adakah kerana kekayaan yang dimilikinya? Tentu sekali bukan, Tetapi kerana perkara-perkara yang mereka lakukan atas kekayaan mereka seperti mengambil harta yang haram, membelanjakannya untuk perkara yang haram, kedekut dan tidak mahu menginfakannya ke jalan kebaikan.

Oleh yang demikian, dapat difahami bahawa kebanyakan wanita yang menghuni neraka bukanlah kerana asal kejadian kewanitaannya mereka tetapi kerana perbuatan-perbuatan yang mereka lakukan terhadap keluarga dan suami. Manakala, wanita-wanita mula yang

---

<sup>26</sup> Bukhari, *Kitab : Kalimat-kalimat yang melunakkan hati, Bab : Keutamaan Fakir*, Hadis no. 6449, jil. 11, h.314.

berbuat baik kepada keluarga dan suami akan ditempatkan di dalam syurga.

Kedua, hadith ini membawa manfaat besar yang perlu diberi perhatian oleh seluruh umat Islam iaitu menjauhkan diri dari api neraka. Tidak ada tujuan disebutkan neraka dan keadaannya kecuali untuk menghindari diri daripadanya. Hadith ini menganjurkan kepada wanita untuk menghindari diri daripada neraka dengan meninggalkan sikap derhaka kepada keluarga dan suami. Rasulullah S.A.W juga mengajarkan wanita supaya menghindari api neraka dengan bersedekah dan beristighfar melalui hadith :

*“ Wahai kaum wanita, bersedekahlah kalian (dalam riwayat lain: “Dan perbanyakkanlah istighfar”) kerana aku melihat kalian sebagai penghuni neraka yang terbanyak.”* Kaum wanita bertanya, *“ Apa sebabnya, wahai Rasulullah?”* Rasulullah S.A.W bersabda : *“*



*Kerana kalian banyak mengutuk dan mengingkari budi baik suami.”<sup>27</sup>*

Alhafizh Ibnu Hajar berkata : “ Dari hadith ini dapat diambil beberapa pelajaran diantaranya : anjuran menyampaikan nasihat kerana nasihat dapat menghilangkan sifat tercela tersebut serta sedekh dapat menghindarkan azab dan mungkin juga menghapuskan dosa yang terjadi antara para makhluk.”<sup>28</sup>

Kesimpulannya dapat difahami bahawa hadith ini membawa mesej yang sangat penting khasnya kepada kaum wanita untuk menghindari diri mereka daripada azab api neraka. Maka, penerangan ini menyangkal dakwaan barat kononya wanita itu makhluk yang jahat dan sememangnya akan ditempatkan di dalam neraka.

---

<sup>27</sup> Fathul Baari, *Kitab ; Haidh. Bab : Wanita Haidh meninggalkan puasa*, hadis no. 304, jil. 1, h. 479.

<sup>28</sup> Fathul Baari, jil. 1, h. 480.

Berdasarkan perbahasan di atas, penulis melihat kedua-dua nas ini penting dalam membetulkan persepsi terhadap kaum wanita walaupun banyak lagi nas lain yang memerlukan penelitian ilmiah. Penulis berpendapat setiap nas yang pada zahirnya merendahkan martabat atau membebankan wanita memerlukan penelitian yang lebih mendalam. Pengkajian setiap nas ini amat penting untuk mengelakkan implikasi yang negatif terhadap masyarakat umum.

## **PENUTUP**

Penulis tidak dapat menafikan bahawa pergerakan feminisme barat telah membawa kebaikan yang banyak kepada kaum wanita. Melalui gerakan inilah, wanita-wanita barat bebas daripada kongkongan gereja yang mempunyai persepsi yang negatif terhadap kaum wanita. Kebanyakan wanita barat hanya mendapat hak-hak mereka selepas bergerak bersama-sama dalam ideologi feminisme.

Berdasarkan fakta-fakta kejayaan gerakan feminism memperjuangkan hak wanita, penulis berpendapat gerakan feminisme merupakan gerakan yang penting dalam sejarah perkembangan wanita barat. Sekiranya gerakan ini tidak dicetuskan, berkemungkinan wanita-wanita barat akan terus dikongkong di bawah pemikiran jumud ketua-ketua paderi mereka.

Oleh itu, menafikan kepentingan gerakan ini umpama menolak penggunaan dadah dalam perubatan. Hakikat penggunaan dadah yang berlebihan membawa keburukan tetapi apabila digunakan ditempat yang betul akan mendatangkan manfaat.

Namun begitu, penulis tidak bersetuju dengan kewujudan aktivis feminis daripada kalangan wanita Islam (MUSLIMAH). Hal ini kerana Islam sememangnya menyediakan ruang yang cukup luas untuk wanita bergerak, hakikat yang sebenarnya ialah masih terdapat segelintir masyarakat yang menafikan kebebasan wanita dan salah faham tentang beberapa nas berkenaan wanita. Kesalahfahaman ini berlaku disebabkan banyak faktor antaranya ialah keegoan kaum

lelaki.<sup>29</sup> Dan pengaruh budaya jahiliah yang masih mengakar dalam kalangan umat Islam.<sup>30</sup>

Perkara yang sepatutnya dilakukan oleh wanita Islam ialah mengembalikan masyarakat kepada ajaran Islam yang sebenarnya dengan kefahaman yang sahih. Menuntut hak kebebasan wanita Islam dari sudut yang melampaui batasan syarak hanya akan menyebabkan umat Islam berpecah belah, memporak-perndakan institusi kekeluargaan dan melemahkan kesatuan umat islam. Hal ini tidak sepatutnya dilakukan oleh wanita Islam yang mengaku keesaan Allah S.W.T dan bersaksi akan kerasulan Nabi Muhammad S.A.W.


---

<sup>29</sup> Al-Syeikh Dr Faisal Mawlawi, Peranan Muslimat di Medan Amal Islami, Jundi Resources, Kuala Lumpur, 2011, h. 24


<sup>30</sup> Zainab Al-Ghazali, Wahai Puteriku, jilid 1

Oleh itu, penyebaran ilmu dan kefahaman yang sebenar tentang Islam harus sentiasa bergerak agar dapat mengembalikan kegemilangan masyarakat Islam seperti yang pernah dicapai pada suatu masa dahulu. Kerjasama yang optimum daripada pihak lelaki dan wanita dalam memainkan peranan masing-masing akan mewujudkan masyarakat Islam yang jitu.

Sekian, Terima kasih.



AKAN TERBIT BULAN MAC. Sebuah buku yang menghimpunkan enam Ucapan Dasar Presiden Gabungan Mahasiswa Islam Se-Malaysia (GAMIS) bermula sesi 2011 sehinggalah 2018. Ini suatu dokumentasi buat sebuah gerakan Mahasiswa Islam.



**MAU JADI  
AGEN BUKU  
LANGKAH  
MAHASISWA**



**KAU WASEP JE  
0149771860**

KAMI CARI MAHASISWA DAN MAMPU JUAL **10** BUAH BUKU

**DAPATKAN MELALUI AGEN RASMI  
KAMI. HANYA RM 25.00**

**AGEN KAMPUS**



**KUIS**

**MUSLIHAH OSMAN  
017 3610940**

**USIM**

**SYUKRI ALIMAR SHIDI  
013 456 0610**

**UNIKL BMI**

**AININ SOFIA  
016 902 8354**

**UIAM**

**MUADZ AZMI  
019 5091198**